

**¡BOMBA!**

Ya no es cosa del pasado que llegue un huracán griego, hoy nos quitan el sosiego y llueve sobre mojado





# K'uintsil

Martes 27 de octubre de 2020

CAMPECHE · YUCATÁN · QUINTANA ROO · AÑO 6 · NÚMERO 1346 · www.lajornadamaya.mx

## TE'E UJO' ASAB YA'AB JA' YAAN, MA' JE'EX TUKULTA'AN KA'ACHO'

LA LUNA CONTIENE MÁS AGUA DE LO QUE SE CREÍA



U'uts ba'al ti'al áastronautaob ba'ax ojéelta'ab: te'e Ujo' asab ya'ab ja' yani', ma' je'ex u tukulta'al ka'acho', ba'ale' le yane' batchajan ichil u mejen kraateres yaano'ob te'elo'; lela' k'a'anan tumen ti'al meyajo'ob bñin beeta'ak tu paachil k'iin, beey úuchik u ts'a'abal k'ajóoltbil ti' ka'ap'éeel xak'al xooko'ob jts'a'ab k'ajóoltbil le lunes máanika'.

Ka'ache' ku tukulta'ale' te'e Ujo' óoli' mina'an ja'i, wa chéen jump'ítit yani', ba'ale' tu ja'abil 2008e', yanchaj ajxak'al xooko'ob meyajnajo'ob te'elo' ka tu yilajo'ob yaan u mejen ch'aajilo'ob ja' ichil maagma taasa'ab tumen le áastronautaob ichil u meyajil Apolo.

Sfís ja' yaan ichil u mejen joolil kraater yaan tu yóok'kabil le Ujo', ts'o'okole' mantats' éek'jolch'e'en tu'ux yanik tumen naats' yaniko'ob ti' poolos, tu'ux ku jach táaj síistal ba'al.

Jump'éeel xak'al xook jts'a'ab k'ajóoltbil tu pik'il ju'unil Nature Astronomy jts'a'ab ojéeltbil yaan le mejen joolilo'oba' tu'ux yaan síis ja', yéetel k'aaba'inta'an beey „trampas frías“.

Ti'al ka béeyak u yojéelta'al bix yanik u ja'il Uje', ka'a'béetkunsa'ab ka'ap'éeel u nu'ukulilo'ob óorbitador NASA, LRO. Tu'ux xa'ak'ta'ab ba'ax ts'o'ok u yáax chikpajal tumen le nu'ukul je'elo' yéetel uláak' jóok'sa'an ich 3D ti'al beyo' u páajtal u je'ets'el u nojochil yéetel tu'ux yaan oochelo'ob, ba'ale' ma' táan u pñitmáansik jump'éeel milímetro.

Ilustración del cráter Clavius de la Luna, con una representación del agua en el suelo lunar, junto con el Observatorio Estratosférico de Astronomía Infrarroja (SOFIA) de la NASA que encontró agua iluminada por el sol. Imagen: NASA